

Fundacion Bon Nochi Drumi Dushi premia cu e Premio Cultural di Prins Bernhard Cultuurfonds 2011



ORANJESTAD (AAN): Durante e celebracion di e prome lustro di Fundacion Bon Nochi Drumi Dushi riba Plaza Betico Croes diasabra anochi, a toca Alice van Romondt y Roly Sint Jago, ambos miembran di bestuur di Prins Bernhard

Cultuurfonds e honor di a entrega e premio prestigioso di Prins Bernhard Cultuurfonds na Señora Olga Buckley, iniciador di Fundacion Bon Nochi Drumi Dushi.

Manera tal bes conoci e premio cultural aki ta worde otorga cada 2 aña riba cada

isla di "The Dutch Caribbean", na un persona of un grupo cu a destaca riba tereno cultural.

E premio ta consisti di un suma di placa y di un estatua traha di bronce pa e conocido sculptrista di Corsou. Esaki di 4 biaha cu e premio ta worde entre-



ga aki na Aruba. E prome a bay pa Arte Visual den persona di Glenda Heyliger, na 2007 a toca Eddie Tromp y Ito Tromp pa 40 aña di programa cultural na Radio Kelkboom cu "Butishi di Alegria", 2009 mundo di teatro den persona di Oslin "Chin" Boekhoudt a haya e distincion aki y awor tereno di literatura a worde honra cu otorgamento di e Premio Cultural na Bon Nochi Drumi Dushi pa e actividad innovativo y hopi efectivo di promove lesamento.

E sistema di drenta e casnan pa lesa for di un buki pa e mucha(nan), ta pone e buki y e actividad sano y dibertido haya un luga special den e hogar. Tambe e mayornan ta worde stimula pa lesa pa nan yiunan. Lesamento ta aporta na educacion, ta stimula comunicacion, enrikece fantasia y vocabulario, ta siña conoce otro mundo y ta un bon pasa-tempo pa un y tur. Bukinan di autornan local ta worde introduci den e casnan tambe y asina lesamento y kisas hasta scibimento ta haya un empuhe.

E "actividad di promo-

cion di lesamento" inicia pa Olga Buckley a hala atencion na Corsou, Sint Maarten, Sint Eustatius, Saba y Surnam.

Manera e Vice Presidente di Prins Bernhard Cultuurfonds, Alice van Romondt a trece dilanti den su speech: "Mi ta compara Bon Nochi Drumi Dushi cu un druppel di zeta riba un lama grandi cu ta keda plasma, pasa lama y yega otro tera. No tin nada pa pare! Cu hopi orguyo miembran di bestuur di Aruba, Des Croes, Margareth Hage, Edsel Lopez, Friendsel Giel y Roly Sint Jago unanimamente a scohe pa premia Bon Nochi Drumi Dushi cu e premio prestigioso di Prins Bernhard Cultuurfonds na e organizacion aki cu ta destaca pa e forma innovativo di promove lesamento. Un caluroso pabien di Directiva di Prins Bernhard Cultuurfonds Caribe".

Olga Buckley, presidente di Bon Nochi Drumi Dushi a keda sumamente sorprendi y a gradici pe distincion grandi aki pa e fundacion y tur su miembran di directiva y boluntarianan.

Ban Wak Luz cu Chogogo

party bus!

chogogo

Call: 5924955 / info@hogogoaruba.com

Pidi pa nos special di Anja.

"Christmas on wheels."

Dinner, snacks & drinks included.

Find us on: **facebook**